



La Val se descēda purmó tl secundo tēmp, dōes dijatenziuns ti garantasc la devēnta al Gais.

Sön le gran ciamp dl Gais s'á presenté i ladins por la setima de campionat. Le Gais mëss indere se asuié la devënta, dandadöt tla secunda pert, daulache La Val lascia udëi na gran intensité de jüch.

Bele al 2^a passa le Gais in vantaje sön na trata dal ciantun: le palé rebatü dala defenjiun vëgn antizipé y le sogadú sú dan porta á ma plö bria de tra lunch te rëi.

Atira do é Micky che vëgn sorví dan porta cun na crossada, la trata é indere massa alta. Le Gais fej druch inant mo rōia pūch a contlujiuns concretes. Gran ocajiuns ne éle insciö nia da alzé fora cina la fin dla prūma pert.

Tl secundo tēmp se descēda La Val y á le jüch tles mans por gran pert dl tēmp. Sön deplö crossades rōia i atacanc a rebat de ce, intres indere cun mancianza de prezijiun. Al 55^a pro Stefan la trata dal limit, le portier la desfantēia indere cun i pūgns. Pūch do ciafa le medemo ciamó n iade le palé sön le pé al limit, la trata rōia indere de pūch dlungia la porta ia. Al 70^a pro ince Alex na trata al jora, indere massa debla por le fa ruvé te porta. Le bel jüch ladin vëgn indere architē al 88^a cun la repartēnza aversara sön na dijatenziun di ghesc, chiló é la

combinaziun di passaji fatala. La crossada amez rōia avisa al atacant che á ma plö bria de apogé te porta por le dopl vantaje. Insciö se rōia ince i nonanta menüc de jüch. Les püces dijatenziuns é gnüdes paiades sêch cun trêi punc scincá ai avversars. A La Val ti spetel insciö na partida importanta chësc fin dl'edema, le derby da duman cuntra le ACD Val Badia.

Gais – La Val 2-0

Formaziun La Val: 1. Sepl Kantioler, 2. Luca Pescollderung, 3. Campeï Michele, 4. Christian Dapoz, 5. Marco Castlungler, 6. Paolo Vallazza, 7. Micky Frenes (dal 70[^] Egon Frenes), 8. Christian Terza (dal 45[^] Daniel Frenes), 9. Franz Tolpeit, 10. Stefan Sottara –capitan (dal 85[^] Patrick Miribung), 11. Alex Elzenbaumer (dal 86[^] Adrian Miribung)

Proscima partida: La Val süga duman sabeda dales 16:30 te ciasa cuntra le ACD Val Badia

Atri resultac:

Altherren (La Val): Schabs – La Val 3-3

Juniores (La Val/Mareo/Rina): La Val – Tschërms Marling 0-3

Aliefs (Mareo): Stegen – Mareo 6-3

U-10 (La Val): Team 4 – La Val 1-4 X

Juniores Pool (La Val/Mareo/Rina/Val Badia): La Val – Schlern: 0-2

Aliefs (Mareo/La Val): Mareo – Val Badia: 1-2